

1. Nassuaatit nalinginnaasut

Kalaallit Nunaata aamma Canadap akornanni sumiiffimmi nunami killeqarfip immakkut killeqarfilsornissaa pillugu Kunngeqarfik Danmarkip naalakkersuisusa illuatungaani Naalakkersuisut peqatigalugit, illuatungaanilu Canadami naalakkersuisut, akornanni Danmarkip isumaqatigiissummik 14. juni 2022-meersumik isumaqatigiissuteqarnissaata ajornarunnaarsinnejarnissaai siunnersummi siunertarineqarpoq.

Isumaqatigiisutip oqaasertai nunap assinganik takussutissiamik ilaqaqtut siunnersummut ilanngunneqarput.

Aallarniutigalugu oqaatigineqassaaq, isumaqatigiisut killeqarfilinernik pingasunik imaqarmat: 1.1 avannamut Lincolnip imartaaniit kujammut Labradorip imartaanut 200 s̄omilit iluanni imaani killeqarfik, 1.2 200 s̄omilit avataanni Labradorip imartaani nunavissuup killeqarfiata (immap naqqa) killissalersorneqarnera kiisalu 1.3) qeqertami Tartupalummi (Hans Ø) nunami killeqarfik.

Isumaqatigiisummi nunarsuarmi immakkut killeqarfiiit ataatsimoortut takinersaat katillugu 3.962 km-inik isorartussuseqartoq kiisalu nunarsuarmi qeqertami nunami killeqarfiiit naannersaat (1,2 km) pilersinneqarput.

Tamatuma saniatigut isumaqatigiisummi Labradorip imartaani nunavissuup killeqarfia avinneqarpoq, tassani nunavissuup killeqarfianut piumasaqaatit Kunngeqarfik Danmarkip naalakkersuisuinit Naalakkersuisut peqatigalugit, aammalu Canadami naalakkersuisunit nassiunneqartut 79.000 km² missaannik qalleraaffiullutik.

Canadamut isumaqatiginniniarerit 2005-imiilli ingerlanneqarput aammalu 2018-imi Ilulissani nalunaarutip ukiut qulinngorlugit nallittorsiutigineqarnerani annertuumik annertusitinneqarlutik. Taanna iluatsillugu Kalaallit Nunaata Canadallu akornanni imartani apeqqutit akineqanngitsut akissutissarsiniarlugit, Kunngeqarfik Danmarkip naalakkersuisusa illuatungaani Naalakkersuisut peqatigalugit, illuatungaanilu Canadami naalakkersuisut, akornanni ataatsimoorluni suleqatigiissitaliaq pilersinneqarpoq.

Taamanikkulli illuatungeriit inuaat pisinnaatitaaffiinut naapertuuttumik naleqquuttunik aaqqiissutissarsinissamut annertuumik sulisimapput. Suliaqarnermi ilaatigut ilaatinneqarput najuulluni ataatsimiinnerit arlallit, COVID-19-ip nalaani qarasaasiatigoortumik isumaqatiginniniarluni ataatsimiinnerit 70-80-it, Kalaallit Nunaata avannarpasinnerusortaani aamma Canadami najukkani innuttaasunik ataatsimeeqateqarnerit oqaloqateqarnerillu aammalu Islandimi naggasiutigalugu isumaqatiginniniarnerit annertuut. Isumaqatigiisut Canadami, Danmarkimi aamma Kalaallit Nunaanni naalakkersuisunit ulloq 14. juni 2022 Ottawa-mi atsiorneqarpoq.

Sumiiffimmi isumaqatigiisummi 14. juni 2022-meersumi killeqarfilerneqartumi silap pissusaanut tunngasut imaannanngitsuunerat inukitsuuneralu ilisarnaataapput. Tassunga ilanngullugu pingaartumik Nunavut-mi (Canada) aammalu Kalaallit Nunaata avannaata kippasissortaani innuttaasut oqaluttuarisaanikkut, kulturikkut inooqatigiinnikkullu nukittoorujussuarnik ataqtigiiippuit, tamannalu sumiiffinni avannarpasinnerusuniittuni najukkani innuttaasut ataatsimeeqatigineqarneranni oqaloqatigineqarnerannilu ersarissarneqarpoq.

Tassunga ilanngutissaaq sumiiffimmi Pikialasorsuarmi (aamma danskisut Nordvandet-imik taagorneqartoq) Canadap aamma Kalaallit Nunaata akorngisa imartaani nunap immikkoortuata uumassusilitsigut, inuaqatigiit aningaasaqarneranni kulturikkullu pingaaruteqarnera. Ilaatigut sumiiffimmut tassunga Kalaallit Nunaata

aamma Canadap akornanni siunissami najukkani suleqatigiinnissaq pillugu suleqatigiit marluk akornanni oqaloqatigiinnerit ingerlanneqarput.

Pissutsit immikkut ittut taakkua mianerineqarnerat isumaqatigiissutip aallarniutaasunut immikkoortuani takuneqarsinnaavoq.

1.2. 200 sømilit iluanni immakkut killeqarfik

Naalagaaffiit Peqatigiit imaanut pisinnaatitaaffinnut nunani tamalaani isumaqatigiissutaanni 1982-imeersumi, Danmarkimit aammalu Canadamit atuutsinneqalertussatut akuerineqartumi, artikel 3-mut naapertuuttumik naalagaaffiit tamarmik killeqarfinit nalinginnaasunit (sinerissap killinga) annerpaamik 12 sømilini imartami akisussaaffimmik atitussusaanik aalajangersaanissamut pisinnaatitaaffeqarput kiisalu artikel 57-imut naapertuuttumik aningaasarsiorfnnut killeqarfimmut killeqarfinit nalinginnaasunit 200 sømil sinnerlugu isorartussuseqaqquaanngitsumut, pisinnaatitaaffeqarlutik.

Kisianni Canadap aamma Kalaallit Nunaata akornanni imartami pineqartumi, avannamuinnaq Lincolnip imartaaniit kujammuinaq Labradorip imartaanut killilimmi, sinerissat akornanni isorartussusaa 400 sømilinit annikinneruvoq, sumiiffillu ilaanni 24 sømilinit annikinnerulluni, taamaattumik illuatungeriit imaanut pisinnaatitaaffinnut nunani tamalaani isumaqatigiissummi artikel 15 aamma artikel 74 malillugit isumaqatiginninniarnikkut imaani killeqarfik aalajangersartussaallugu.

Naalagaaffiit marluk sineriai akileriippata imaluunniit killeqarfii imminnut attuumappata, taakkua akornanni allamik isumaqatigiissuteqartoqarsimanngippat, naalagaaffiit arlaalluunniit killeqarfipi qeqqa, killeqarfinit nalinginnaasuni, nunat marluk taakkua imaani akisussaaffeqarfiiisa isorartussusaannik uuttortaaviusartuni, sumiiffiit qaninnerpaartaanniit sumiiffinni tamaginni assigiimmik isorartussuseqartoq, qaangerlugu imaani akisussaaffeqarfimminnik annertusititsinissamik pisinnaatitaanngitsut, artikel 15-imi aalajangersarneqarpoq.

Naapertuuttumik aaqqiissutissarsinissaq siunertaralugu, naalagaaffiit sineriaqartut, akileriittut imaluunniit killeqarfii imminnut attuumasut akornanni aningaasarsiorfiup killeqarfiiata killeqarfilerneqarnera, inuaat pisinnaatitaaffiinut inatsit tunngavigalugu isumaqatigiissuteqarnikkut pissasooq, artikel 74, imm. 1-imi aalajangersarneqarpoq.

"Kalaallit Nunaata aamma Canadap akornanni nunavissuup killeqarfiiata killeqarfilersorneqarnera pillugu Kunngeqarfik Danmarkip naalakkersuisisa aamma Canadami naalakkersuisut akornanni isumaqatigiissummi" 17. december 1973-imeersumi kingusinnerusukkut allannguiteqartartumi, 200 sømilit iluanni imaani killeqarfik pillugu illuatungeriit 1973-imi isumaqatigiippot. Taamaattoq 1973-imi killeqarfiliussaq taamanikkut teknologiip killeqarnerata malitsigisaanik eqqoqqissaartumik nassuiarneqanngilaq aammalu Lincolnip imartaa pineqartunut ilaanani.

Ukiuni kingullerni paassisutissanik nalunaarsukkanik nutaanik katersiniarluni suliarinninniarlunilu ingerlaavartumik suleqatigiinneq ingerlanneqarpoq aammalu paassisutissat nalunaarsukkat nutaat taakkua atorniarlugit aammalu killeqarfipi killiffia 1973-imeersoq talliniarlugu, illuatungeriit isumaqatigiissummi 14. juni 2022-meersumi isumaqatigiippot, taamaalilluni siunissami Kalaallit Nunaata aamma Canadap avannaanni illuatungeriit 200 sømilinut killeqarfiiinut killilluni taanna isorartussuseqalissalluni.

Lincolnip imartaani killeqarfipi killiffia qeqqani killiffiinnaavoq, Kalaallit Nunaata aamma Canadap sineriaanniit sumiiffinit tamaginnit ungaseqqatigiimmik inissismalluni. 200 sømilit iluanni

isumaqatigiissummi 14. juni 2022-meersumi imaani killeqarfinngortinneqartumi immap naqqata immallu iluata killeqarfilerneqarnerat maleruagassiivigineqarpoq.

Tamatuma saniatigut killeqarfiit qaangerlugit aatsitassanik nassaarnermi suliat ingerlatinnerisigut iliuuseqarfinginnissaq, isumaqatigiissummi 14. juni 2022-meersumi illuatungerit isumaqatigiiffigaat. De Nationale Geologiske Undersøgelser for Danmark og Grønland (GEUS) naliliivoq sumiiffimi uuliaqarsinnaanera aatsitassaqarsinnaaneralu periarfissaqarpallaanngitsqoq assigiaarlunilu.

Oqaatigineqarpoq aatsitassanut suliassaqarfik Kalaallit Nunaannit akisussaaffigilerlugu tiguneqarsimasoq, aammalu Kalaallit Nunaanni namminersorneq pillugu inatsimmi kapitali 4-mi Nunanut allanut tunngasut maleruagassanut naapertuuttumik killeqarfiit qaangerlugit aatsitassat pillugit Canadamut isumaqatiginniinarnerit aallaaviatigut Kalaallit Nunaanni naalakkersuisunit ingerlanneqarsinnaasut.

1.2. 200 s̄omilit sinnerlugit Labradorip imartaani nunavissuup killeqarfiata (immap naqqa) killissalersorneqarnera

Imaanut pisinnaatitaaffinnut nunani tamalaani isumaqatigiissummi artikel 76-imut naapertuuttumik naalagaaffimmi sineriaqartumi nunavissuup killeqarfiani (immap naqqa) imaani sumiiffiit nunamut akisussaaffeqarfiusumut tassunga pissusissamisoortumik nangissutigalugu nunavissuup avammut killinganut imaani akisussaaffeqarfik qaangerlugu isorartussuseqartut imaluunniit nunavissuup avammut killinga tamaanga killissimanngippat, killeqarfimmit nalinginnaasumit 200 s̄omilink ungassisusilimmut killittut, pineqartunut ilaatinneqarput.

Nunavissuup killeqarfianut, killeqarfinit nalinginnaasuniit 200 s̄omilit qaangerlugit isorartussusilimmut killeqarfiit pillugit paassisutissat, nalunaarutiginninertut taagorneqartup nassiunneratigut Naalagaaffit Peqatigiit Nunavissuit killeqarfii pillugit ataatsimiitaliarsuanut (CLCS) naalagaaffit sineriaqartut nassiuissinnaavaat – aamma taagorneqartoq nunavissuup killeqarfianut piumasaqaat.

CLCS-ip nalunaarutiginninnerit ataasiakkaat tamaasa ilisimatuussutsikkut misissussavai aammalu naalagaaffimmi sinerialimmi nunavissuup killeqarfiata isorartussusissaa pillugu inassuteqaat ilisimatuussutsimik aallaaveqartoq nalunaarutigissallugu. Nunavissuup killeqarfianut piumasaqaat, naalagaaffit allat nunavissuup killeqarfianut piumasaqaataannut qalleraassimasinnaasoq avinnejasanersoq CLCS-ip isummerfigisussaangilaq.

2012-imi aamma 2013-imi Kunngeqarfik Danmarkip naalakkersuisisa Naalakkersuisut aammalu Canadami naalakkersuisut peqatigalugit Kalaallit Nunaata kujataani sumiiffik pillugu nalunaarutiginninneq tunniuppaat. 2033 sioqqullugu CLCS tamatumunnga inassuteqaateqarsinnaassasoq naatsorsuutigineqanngilaq.

Canadamiut piumasaqaataat Canadap 200 s̄omilinut killeqarfianiit Kalaallit Nunaata eqqaani 200 s̄omilinut killeqarfimmut tunngassuteqarpoq.

Kunngeqarfiup piumasaqaataa Kalaallit Nunaata eqqaani 200 s̄omilinut killeqarfimmiit aallartippoq, kisianni immap naqqata qanoq issusaata il.il. malitsigisaannik Kunngeqarfiup piumasaqaataa sumiiffinni tamaginni canadamiut 200 s̄omilinut killeqarfiat tikeqqinnaarlugu isorartussuseqartinneqanngilaq.

Nunavissuup killeqarfianut piumasaqaatit 79.000 km² missaannik qalleraapput.

Imaanut pisinnaatitaaffinnut nunani tamalaani isumaqatigiissummi artikeli 83, imm. 1 naapertorlugu, naapertuuttumik aaqqiissutissarsinissaq siunertaralugu, naalagaaffiit sineriaqartut, akileriittut imaluunniit killeqarfii imminnut attuumasut, naalagaaffiit akornanni inatsisit tunngavigalugit isumaqatigiissuteqarnikkut pissaaq.

Tamanna tunngavigalugu avinneqarnissaata killissaa pillugu Kunngeqarfik Danmarkip naalakkersuisui illuatungaani Naalakkersuisut peqatigalugit, illuatungaani Canadami naalakkersuisut, isumaqatigiissummi 14. juni 2022-meersumi isumaqatigiippuit, taamaaliornermi sumiiffik qalleraattoq 79.000 km² missaannik annertussuseqartoq avinneqarluni. Immap naqqani sumiiffik tassanilu pisuussusit avinneqarnerata killingata kangianiittut Kalaallit Nunaata (Kunngeqarfik Danmark) pisussaavai, aammalu immap naqqani sumiiffik tassanilu pisuussusit avinneqarnerata killingata kitaaniittut Canadap pisussaallugit.

Aammattaaq CLCS-imiit inassuteqaatit nunavissuup killeqarfiata killiffianik silarermik aalajangersaanermut pingaaruteqartut sulianik ingerlatitsinikkut iluuseqarfiginissaat pillugu illuatungeriit isumaqatigiippuit.

Tamatuma saniatigut killeqarfiiit qaangerlugit aatsitassanik nassaarnermi sulianik ingerlatitsinikkut iluuseqarfiginninnissaq illuatungeriit isumaqatigiissutigaat. De Nationale Geologiske Undersøgelser for Danmark og Grønland (GEUS) naliliivoq aamma sumiiffimmi tassani uuliamik aatsitassanillu periarfissaqarfiusut annikitsut assigiaarlutillu.

200 sørnilit saniatigut killeqarfimmi, isumaqatigiissummi 14. juni 2022-meersumi killeqarfiliunneqartumi, taamaallaat immap naqqata killissalorsorneqarnera maleruagassiivigineqarpoq.

1.3. Qeqertami Tartupalummi (Hans Ø) nunami killeqarfik

Tartupaluk (Hans Ø) qeqertaavoq qaarsuinnaq naasoqanngitsoq inoqanngitsorlu 1,2 km² missaannik angissuseqartoq. Qeqertaq Kalaallit Nunaata Canadallu akornanni imartami Kennedy Kanalen-imi inissismavoq. Qeqertaq nunami sumiiffinnut politikkikkut imaluunniit periusissatigut immikkut soqutiginaateqanngitsoq naliliisoqarpoq.

Qeqertaq siusinnerusukkut piniartunit nunami ilisarnaatitut atorneqarsimavoq.

Canadap aamma Kunngeqarfik Danmarkip qeqertamut oqartussaanertik tamarmik immikkut oqariartutigalugu, siullermeertumik 1971-imi imminnut eqqumaffigeqquaat. Taamaattoq qeqertamut pisinnaatitaaneq aaqqiagiinngissutigineqartoq aammalu isumaqatiginniarnikkut aaqqiivigineqartussaassasoq, illuatungeriit 2005-imi ataatsimoorullugu akuersarpaat.

Qeqertaq avinneqarnerata killinga qeqertami kujataaniit avannamut naallugu tamaat qunneq malittaralugu, aammalu qeqertap qeqqanut killittumik kujataani avannaanilu isuinut atassuserlugu nassuarneqartumik, avinneqassasoq, isumaqatigiissummi 14. juni 2022-imeersumi illuatungeriit isumaqatigiissutigaat. Taamaaliornermi Canadap aamma Kalaallit Nunaata (Kunngeqarfik Danmark) akornanni nunami killeqarfiliisoqarpoq.

Kalaallit Nunaat EU-mut ilaasortaanngilaq imaluunniit Schengen-imi suleqatigiinnermi peqataanani. Taamaalilluni Danmarkip Schengen-imi nunani tamalaani isumaqatigiissummut ilaalerteranut isumaqatigiissummi allassimavoq, ilaalertermut isumaqatigiissummi aalajangersakkat Kalaallit Nunaannut atuutinngitsut. Kisianni Kalaallit Nunaata angalanermut aaqqissuussinermi, nunani avannarlerni pasunion-ip killissaasa iluanni aalajangersarneqartumi aalajangersakkat atormagit, inuit illuatungaani Kalaallit Nunaata, illuatungaaniilu nunat Schengen-imi suleqatigiinnermi peqataasut akornanni angalasut

misissuiffigineqartassangitsut, ilaalernissamut isumaqatigiisummi allassimavoq. Aammattaaq ilaalernissamut isumaqatigiissut malillugu nunanit avannarlerni pasunion Schengen-imi maleruagassanut akerliungippat imaluunniit kigaalaqusersuinngippat, Schengenimi maleruagassat aammalu nunani avannarlerni pasunion ataatsimoorlutik atuuttussaapput. Danmarki danskit ilaalernissaannut isumaqatigiissutip naggataani allasimasuni Kalaallit Nunaata killeqarfii ni avallerni sunniuteqarluartumik nakkutiginninnissamik alapernaarsuinissamillu pisussaaffilerneqarpoq.

Qeqertami Tartupalummi (Hans Ø) nunami killeqarfik taamaalilluni *pinngitsoorani* Schengen-imi killeqarfik avallersaavoq, tassami inuit Kalaallit Nunaata aamma nunat Schengen-imi suleqatigiinnermi peqataasut, ilanngullugu Danmarkip, akornanni angalasut misissuiffigineqartangimmata. Tamatuma atuunnerani aallaaviatigut Schengen-imi killeqarfinnut kodeksimi artikel 5, imm. 1 aamma artikel 13 malillugit Kunngeqarfik Danmarkip aamma Canadap akornanni Tartupalummi (Hans Ø) nunami killeqarfimmi sunniuteqarluartumik killeqarfimmi nakkutiginnitoqartussaavoq alapernaarsuisoqartussaallunilu.

Qeqertap inisisimanera aammalu qeqertami eqqaanilu angallannerup killeqartorujussuunera eqqarsaatigalugit, nunami killeqarfik ungalunik assigisaannilluunniit nalunaaqutserneqassangilaq, taamatullu qeqertami killeqarfikkoortarfimmik (nakkutiginnifiusumik) akuerisamik pilersitsisoqassanani.

Nunanit allamiunut akuliutsitsinissamullu ministereqarfik naliliivoq najukkami innuttaasut, ilinniartut, misissuisartut, naalagaaffiit pisortai naalakkersuisullu, sakkutut assigisaallu inuit eqimattat Schengen-imi killeqarfinnut kodeksimi artikel 5, imm. 2, litra a-mi ilaatisinnginnermut aalajangersakkami pineqartunut ilaasut. Nunanit allamiunut akuliutsitsinissamullu ministereqarfik aammattaq naliliivoq artikel 5, imm. 2, litra a-mi ilaatisinnginnermi aamma takornariat pineqartunut ilaatinneqarsinnaasut, taamaalilluni takornariat qeqertaq tamakkerlugu tikeraarsinnaallugu, taamaalillutilu qeqertami Canadamiittortaaniit Kunngeqarfik Danmarkip pigisaanut killeqarfik avalleq ikarneqarsinnaalluni.

Taamaallaat inuit imaluunniit inuit ataatsimoortut, immikkut pissuteqarlutik killeqarfikkoorfissat avataanni killeqarfiit avalliit ilaannikkut aqqutigisarnissaat siunertaralugu pisariaqarpal, killeqarfikkoorfissani aammalu ammasarfiit nalinginnaasut iluini killeqarfiit avalliit aqqutiginissaannut, imaluunniit ammasarfiit nalinginnaasut avataanni, akuersissutinik nunami namminermi inatsisit naapertorlugu pisariaqartunik peqarpata aammalu naalagaaffiit ilaasortaasut pisortatigoortumik aaqqissugaanerannut nunallu iluani isumannaallisaanermut akornusersuissangippata, pisussaaffimmik ilaatisinnginnissat atuutsinnejalersinnaasut, aalajangersakkami tassani aalajangersarneqarpoq. Naalagaaffiit ilaasortaasut marluk akornanni isumaqatigiissutini immikkut aaqqissuussinernik, aammalu nunami namminermi inatsisit naapertorludit nalinginnaasumik ilaatisinnginnernik aalajangersaasinnaapput, aammalu suleqatigiit marluk akornanni isumaqatigiissutit Ataatsimiititaliarsuarmut nalunaarutigineqassapput.

Suleqatigiissitaliaq, Kunngeqarfik Danmarkimiit aamma Canadamiit oqartussanik attuumassuteqartunik inuttaqartoq, isumaqatigiissutip suliassatigut atuutsinnejalerlernissaanik erseqqinnerusumik qimerluuisussaq, pilersinneqarpoq, ilanngullugu qeqertami killeqarfiliineq apeqquatainnagu inuit kikkut qeqertap sumiiffiani tamarmiusumi tummarnissamut periarfissaqalersinnaasanersut. Suleqatigiissitaliami oqaluuserineqassapput maleruagassat, ilaatigut sukumiisumik nalunaarnissamik qulakkeirisussat (nalunaarutiginninnermut suleriaasissat), tikeraartussanut tunngatillugu upternarsaatinut piumasaqaatit kiisalu Danmarkimut tunngatillugu Danmarkip EU-mut pisussaaffiisa malinnejarnissaat siunertaralugu alapernaarsuinerup ingerlanissa.

Aatsitassanik uuliamillu peqarsinnaaneranut tunngatillugu De Nationale Geologiske Undersøgelser for Danmark og Grønland (GEUS) naliliivoq, qeqertami eqqaanilu niuerutigineqarsinnaasunik peqarfeqarnissaa killeqartorujussuusoq.

Sulianik ingerlatitsisarnermut tunngasut

Isumaqtigiissut ulloq 14. juni 2022 Ottawa-mi atsiorneqarluni isumaqtigiissutigineqarpoq. Illuatungeriit tamarmik immikkut iluminni inatsisini tunngaviusuni suleriaasissat naapertorlugin akuersissuteqarnissaq sillimaffigalugu atsiorneqarpoq. Tamatumunnga naapertuuttumik Folketing-ip akuersinissaa maannakkut piinarneqarpoq.

Illuatungeriit kissaatigaat isumaqtigiissut piaartumik atuutilissasoq.

2. Isumaqtigiissummi aalajangersakkant ataasiakkaanut nassuaatit

Artikel 1:

200 s̄omilit iluanni killeqarfik, aalajangersakkami aalajangersarneqarpoq. Aallaavissat aalajangersakkami aalajangersarneqartut atassuserneqarnerisigut killeqarfik nassuarneqarpoq. Killeqarfiup killinga nunap assingani isumaqtigiissummut ilanngunneqartumi, takuuk artikel 5, titartarlugu takutinneqarpoq.

Artikel 2:

200 s̄omilit qaangerlugin killeqarfik aalajangersakkami aalajangersarneqarpoq. Aalajangersakkami sumiiffiit aallaavissat ataqatigiissinnerisigut killeqarfik nassuarneqarpoq. Killeqarfiup killinga nunap assingani isumaqtigiissummut ilanngunneqartumi, takuuk artikel 5, titartarlugu takutinneqarpoq.

Tamatuma saniatigut aalajangersakkami aalajangersarneqarpoq, nunavissuup killeqarfiata killiffii avalliit, Naalagaaffiit Peqatigiit nunavissuit killeqarfii pillugit ataatsimiitialiarsuanit inassutigineqartut aammalu pineqartunit akuersaarneqartut, sumiiffimmi qalleraaffiusumi allannguuteqartitsinermik malitseqassappata, illuatungeriit akornanni oqaloqtiginnerit aallartinneqassasut.

Oqaatigineqarpoq naleqqussaanerit taamaattut killeqarfimmi sumiiffiup qalleraaffiusup allanngorsimaffianut killeqartinneqassasut, aammalu naleqqussaasinnaaneq pillugu isumaqtigiissuteqartoqarnissaata tungaanut illuatungiusup pineqartup nunavissuup killeqarfianut avallermut akuersismanera killeqarfiugallartutut atorneqassasut.

Artikel 3:

Aatsitassanik peqarfimmik, killeqarfimmik qaangiisumik paasisaqartoqarpat, illuatungeriit qanoq iliuuseqassanersut, aalajangersakkami aalajangersarneqarpoq. Taamatut pisoqarnerani Kalaallit Nunaat aamma Canada oqaloqtigillutik aallartissapput aammalu peqarfiup piiarneqarnissaa pillugu isumaqtigiinniarsarissallutik. Naalakkersuisut aallaaviatigut Kalaallit Nunaanni namminersorneq pillugu inatsimmi kapitali 4-imí Nunanut allanut tunngasut maleruagassanut naapertuuttumik Kalaallit Nunaannut isumaqtiginniinarerit isumagisinnaassavaat.

Allatigut isumalluutit pillugit nassuaatit nalinginnaasut innersuussutigineqarput.

Artikel 4:

Tartupalummi (Hans Ø) nunami killeqarfik aalajangersakkami aalajangersarneqarpoq. Killeqarfiup qeqertami kujataaniit avannaanut tamaat naallugu qunneq malittaraa aammalu sumiiffinni aallaaviusut ataqatigiissinnerisigut nassuarlugu aalajangersakkami aalajangersarneqarluni. Nunami killeqarfiup kangiani sumiiffik Kalaallit Nunaata ilagaa, aammalu nunami killeqarfiup kitaani sumiiffik Canadap ilagalugu.

Artikel 5:

Aalajangersakkami aalajangersarneqarpoq, killeqarfinnut takussutissiatut nunap assinga isumaqatigiisummut ilanngussaq 1-itut ilanngunneqartoq kiisalu nunap assingata takussutissiap taassuma aammalu Artikel 1-imi, 2-mi aamma 4-mi killeqarfiiit nassuiardeqarnerat imminnut naapertuitinngissagaluarpata, artikel-ini taakkunani nassuaatit sallutinneqassasut.

Artikel 6:

Isumaqatigiissut qaqugu atuutilissanersoq aammalu isumaqatigiissutit suut taassuma atorunnaarsinnerai taarserneraalu, aalajangersakkami aalajangersarneqarput. Siulliullugu taaneqartumut tunngatillugu aalajangersarneqarpoq, illuatungeriit nunap iluani suleriaatsit pisariaqartut naammassineqartut imminnut allaganngorlugu nalunaarfigeqatigereererpata, isumaqatigiissut atuutilissasoq.

Inatsimmi tunngaviusumi § 19, imm. 1-imi oqaaseqatigiit aappaat malillugu, folketing-i akuersisimanngippat, naalagaaffiup sumiiffianik annertusitsisumik imaluunniit annikillisitsisumik, kunngi (naalakkersuisut) iliuuseqarsinnaanngilaq. Nunap iluani suleriaatsit naammassineqartut pillugu nalunaarut taamaalilluni Folketing-ip akuersinerata pereernerani aatsaat, danskit tungaanniit pisinnaassaaq.